



## Publicaziuns officialas dils 23-04-2021

---

### Damondas da baghegiar

Nr. 46/2021

Datum da publicaziun: 23-04-2021  
Patrun: Auto Friberg AG, 7156 Rueun  
Representant: Pally + partenari architectura SA  
Liug e parcellas: Surrein-Reits; 4785  
Object: sanaziun interna, nova garascha e balcuns

Nr. 47/2021

Datum da publicaziun: 23-04-2021  
Patrun: Duff Gion Battesta, 7175 Sumvitg  
Liug e parcellas: Sumvitg-Catrot; 1634  
Object: refrestgentar barcuns, post da finiastras, escha e surtrer ils sems dallas finiastras cun alumini

Nr. 48/2021

Datum da publicaziun: 23-04-2021  
Patrun: Caprino-Maissen Natalino ed Eveline, 7172 Rabius  
Liug e parcellas: Rabius-Via Caltgera; 134  
Object: construcziun d'ina casa da curtin

Ils profils ein tschentai ed ils plans da construcziun ein deponi tier la canzlia communal. L'investa publica cuozza 20 dis dapi il datum da publicaziun.

Eventualas protestas encunter sura damonda da baghegiar ein d'inoltrar alla cumissiun da baghegiar Sumvitg enteifer 20 dis dapi il datum da publicaziun.

Sumvitg, 23-04-2021

*Cumissiun da baghegiar*

### Informaziuns diever d'aua

#### **Retrer aua da hidrants**

Tenor lescha pil providiment d'aua e regulativ da taxas tier la lescha davart il providiment d'aua astga mo vegnir fatg diever d'aua da hidrants sin damonda ed encunter in'indemnisaziun. Per retrer aua sto vegnir fatg ina damonda cul formular official. Il formular sto vegnir inoltraus sil pli tard 48 uras avon ch'igl ei previu da retrer aua al caufontauna (info@sumvitg.ch / Administraziun communal, Via Quadras Su 10, 7175 Sumvitg).

L'indemnisaziun dall'aua succeda sco suonda:

- pil consum d'aua: frs. 30.-- per di
- montascha ventil da refluessiun: frs. 20.-- per hidrant

Aua astga vegnir retratga da hidrants sulettamein cun in ventil ch'impedescha ina refluessiun. Quel vegn montaus dil caufontauna.

Il formular ei disponibels sin la pagina d'internet [www.sumvitg.ch](http://www.sumvitg.ch) ni sa vegnir retratgs tier l'administraziun communal. Constatescha la suprastonza communal en quei connex ch'ei vegn retratg aua senza annunziar ei ina procedura da multa resalvada.

### **Schuar cun aua dil provediment d'aua**

Ils menaschis agricols pagan lur taxa da consum tenor art. 2.2 c) dil regulativ da taxas tier la lescha davart il provediment d'aua. Tenor quest artechel vegn il diever per envernonta quintaus cun 50 cubics aua per onn. En quels cubics ei l'aua da beiber per ils animals sco era tut il consum per il diever ordinari dil menaschi cumprius. Tier il schuar praus setracta ei d'in diever extraordinari ch'ei buca cumprius ella taxa ordinaria. Il schuar praus ei perquei sulettamein cun ina lubientscha dalla vischnaunca ed encunter in'indemnisaziun corrispundenta lubius.

### **Projects da baghegiar**

Il caufontauna ei avisaus sin Vossa collaboraziun tier projects da baghegiar. Nus fagein perquei attents ch'il caufontauna sto vegnir clamaus avon che colligiazions d'aua vegnan cuvretgas aschia ch'el sa mesirar en e notar las colligiazions.

Nus supplichein per Vossa collaboraziun ed engraziein per Vossas breigias. Per damondas stat il caufontauna bugen a Vossa disposiziun.

Sumvitg, 23-04-2021

*Suprastonza communal*

### **Vignettas da mopeds**

La vignetta da mopeds 2021 sa vegnir retratga tier l'administraziun communal. La taxa munta frs. 43.--.

Sumvitg, 23-04-2021

*Administraziun communal*

### **Uffeci civil Surselva**

#### **Mortori**

**Lechmann-Spechtenhauser Maria**, naschida ils 01-07-1928, morta ils 14-04-2021, stada sesenta en Casa S. Giusep a Cumpadials.

Sumvitg, 23-04-2021

*Controlla da habitonts*

### **Curdem da gronda dimensiun**

La vischnaunca organisescha ina rimnada da rufid bloccont sco suonda:

#### **Venderdis, ils 30 d'avrel 2021 dallas 08.00 - 18.00 uras**

**Ei vegn rimnau il rufid per l'entira vischnaunca sin la piazza Igniu** (spel baghetg economic)

Ils curdems ein da deponer els containers ni navettas tschentai sil plaz. Per tener-casa vegn priu encunter **max. 2 m<sup>3</sup>** rumians. Quantitads pli grondas, per ex. ord rumidas da casas e clavaus ein da transportar directamein e sin cuost dil caschunader ella deponia regionala a Rueun. Rumians jamnils, q.v.d. rumians ch'ins dismetta el sac verd e rufid bloccont pign (dimensiuns max. 100 cm liung / 60 cm lad / 60 cm ault / peisa max. 30 kg) vegnan buca pri encunter. Tals rumians ein da plazzar als plazs da rimnada usitai els vitgs e che vegnan rimnai entras la Regiun Surselva mintgamai la mesjamna.

Ei vegn acceptau

- maschinas pintgas e mopeds mo cun tratg giu ieli e benzin,
- ferramenta, ferradira da tuttas sorts (meisas da fier, uaffens da fier, velos, e.a.v.),
- tut las maschinas electronicas (computers, frestgeras, maschinas da furar, pegnas d'electriche cun e senza ieli e.a.v.),
- mobilier movibel (letg, scaffa, suppia, madrazza, teppi denton buca culau giu, e.a.v.),

- requisits per il temps liber e sport (skis, indrez da trenament, velos e.a.v.) ch'ei pli gronds che 100 cm liung / 60 cm lad / 60 cm ault ni pli grevs che 30 kg,
- per pneus senza gavegl vegn incassau ina taxa da frs. 5.--, cun gavegl frs. 10.--,
- per pneus da maschinas agricolas pintgas vegn incassau ina taxa da frs. 20.-- e per pneus da tracturs frs. 50.--,
- calzars da skis san vegnir dai giu en favur dalla ARGO Tavau per frs. 5.--.

#### **Buca** acceptau vegnan

- tuttas maschinas agricolas,
- lenna da brisch, lenna veglia, lenna da baghetg (tabliaus, plantschius, lattas, quaders, panos, e.a.v.),
- sacs da pupi e da plastic,
- materials da pachetar (palets, stiropor, plastic, e.a.v.),
- requisits per il temps liber e sport ch'ei pli pigns che 100 cm liung / 60 cm lad / 60 cm ault e pli levs che 30 kg (bob, scarsola, calzars da rodas, aissa-rulletta e.a.v.),
- blachas da ballas da silo (verdas ed alvas),
- curdems da baghetg (linoleums, isolaziuns, plastics, folias da tetg e da preits, e.a.v.) e curdems da fatschentas,
- curdem verd da curtin e caglias, tals curdems san vegnir transportai sin la deponia verda ad Igniu,
- cartun e pupi duei vegnir surdau alla rimnada entras las scolas resp. las uniuns.

Ils suandonts rumians vegnan rimnai cun ils rumians jamnils e basegnan las marcas sco suonda:

- sacs tochen 50 kg; 1 marca da frs. 2.50,
- rumians pigns tochen 100 cm liung / 60 cm lad / 60 cm ault e pli levs che 12 kg; 2 marcas da frs. 2.50,
- rumians pigns tochen 100 cm liung / 60 cm lad / 60 cm ault entochen ina peisa da 30 kg; 3 marcas da frs. 2.50.

Nus appelein alla responsabladad da vischinas e vischins e supplichein da setener vid quellas directivas en favur digl ambient. Medemamein fagein nus attents da buca deponer rumians sin deponias illegalas (selvadias). Talas deponias cunterfan alla legislaziun per la dismessa da rumians e vegnan annunziadas als organs responsabels e puni.

Per ulteriuras informaziuns stat il gerau responsabel bugen a Vossa disposiziun.

Sumvitg, 23-04-2021

*Departament ambient*

#### **Uniun da catschadurs Greina, Sumvitg**

Invitaziun alla tgira da primavera

Nus serimnein sonda, **ils 24 d'avrel 2021** a Sur lagval.

Temps da lavur: 7.30–13.00

Plazza da lavur: Pigniu e contuorn

Uaffens: Vons, fintschel, resgia da cadeina, capellina e caultschas da resgiar da segirtad. Eventual sclariment dat nies cau da tgira Remo Manetsch, tel. 076 471 83 25 Cun amicabels salids e sin seveser! Per la suprastonza, *il cau da tgira, Remo Manetsch*

### **Center da vaccinaziun «pop up»**

per abitantas ed abitants da las vischnancas da Mustér/Tujetsch/Val Medel/Sumvitg

**Data: 29 d'avrigl 2021 (segunda vaccinaziun: 20 da matg 2021)**

**Lieu: Halla Cons a Mustér**

**Annunzia: [www.gr.ch/vaccinar](http://www.gr.ch/vaccinar)**

Cun il center da vaccinaziun «pop up» han persunas da las gruppas 1–6 (55 onns e dapli) la pussaivladad da desister dal viadi al center da vaccinaziun a Glion per sa laschar vaccinar. La preannunzia duai sche pussaivel vegnir fatga online ([www.gr.ch/vaccinar](http://www.gr.ch/vaccinar)). Tgi che n'ha betg access a l'internet, po s'annunziar per telefon sur la hotline da vaccinaziun (telefon 081 254 16 00). Ils termins da vaccinaziun vegnan attribuids e confermads suenter la registraziun; i n'è betg pussaivel da tscherner libramain in termin. Per l'annunzia online dovran ins la carta da l'assicuranza da malsaus. Avant l'annunzia faschai per plaschair la segira che Vus sajas disponibla resp. disponibel durant quests dus dis.

L'ultim termin d'annunzia è ils 27 d'avrigl 2021.

*Cantun Grischun*

### **Pop-up Impfzentrum**

für Bewohnerinnen und Bewohner der Gemeinden Disentis/Tujetsch/Val Medel/Sumvitg

**Datum: 29. April 2021 (Zweitimpfung am 20. Mai 2021)**

**Ort: Halla Cons in Disentis/Mustér**

**Anmeldung: [www.gr.ch/impfen](http://www.gr.ch/impfen)**

Mit dem Pop-up Impfzentrum bieten wir Impfwilligen der Gruppen 1- 6 (55 Jahre und älter) die Möglichkeit, die Anfahrt in das Impfzentrum llanz zu umgehen. Die Voranmeldung soll, wenn möglich online ([www.gr.ch/impfen](http://www.gr.ch/impfen)) erfolgen. Wer über keinen Internetzugang verfügt, kann sich telefonisch via Impfhhotline (Telefon 081 254 16 00) anmelden. Die Impftermine werden nach Registration zugewiesen und bestätigt; es besteht keine freie Terminwahl. Für die Online-Anmeldung wird die Krankenversicherungskarte benötigt. Bitte vergewissern Sie sich vor der Anmeldung, dass Sie an beiden Terminen verfügbar sind.

Anmeldeschluss ist der 27.04.2021.

*Kanton Graubünden*